

REGLUGERÐ

um (18.) breytingu á reglugerð nr. 560/2014 um gildistöku reglugerðar framkvæmdastjórnarinnar (EB) nr. 798/2008 um skrár yfir þriðju lönd, yfirráðasvæði, eða hólf, þaðan sem leyfður er innflutningur til Bandalagsins og umflutningur um Bandalagið á alifuglum og alifuglaafurðum, og um kröfur vegna heilbrigðisvottana fyrir dýr og dýraafurðir.

1. gr.

Við 1. gr. reglugerðarinnar bætist nýr töluliður, 55. tölul., svohljóðandi:

55. Framkvæmdarreglugerð framkvæmdastjórnarinnar (ESB) 2020/393 frá 11. mars 2020 um breytingu á I. viðauka við reglugerð nr. 798/2008 að því er varðar færsluna fyrir Rússland í skránni yfir þriðju lönd, yfirráðasvæði, svæði eða hólf þaðan sem leyfður er innflutningur til Sambandsins eða umflutningur um Sambandið á tilteknum alifuglavörum í tengslum við Newcastle-veiki.

2. gr.

Ofangreind reglugerð framkvæmdastjórnarinnar er birt sem fylgiskjal við reglugerð þessa.

3. gr.

Reglugerð þessi er sett með heimild í lögum nr. 93/1995 um matvæli, lögum nr. 54/1990 um innflutning dýra og lögum nr. 25/1993 um dýrasjúkdóma og varnir gegn þeim, öll með síðari breytingum.

Reglugerðin öðlast þegar gildi.

Atvinnuvega- og nýsköpunarráðuneytinu, 7. apríl 2020.

Kristján Þór Júlíusson
sjávarútvegs- og landbúnaðarráðherra.

Ása Þórhildur Þórðardóttir.

Fylgiskjal.**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2020/393**

frá 11. mars 2020

um breytingu á I. viðauka við reglugerð (EB) nr. 798/2008 að því er varðar færsluna fyrir Rússland í skránni yfir þriðju lönd, yfirráðasvæði, svæði eða hólfi þaðan sem leyfður er innflutningur til Sambandsins eða umflutningur um Sambandið á tilteknum alifuglavörum í tengslum við Newcastle-veiki

(Texti sem varðar EES)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/99/EB frá 16. desember 2002 um heilbrigðisreglur um framleiðslu, vinnslu, dreifingu og aðflutning á afurðum úr dýraríkinu til manndis (¹), einkum 8. gr. (inngangsorð), 8. gr. (fyrsta undirgrein 1. liðar), 8. gr. (4. liður) og 9. gr. (c-liður 4. mgr.),

með hliðsjón af tilskipun ráðsins 2009/158/EB frá 30. nóvember 2009 um skilyrði á sviði heilbrigðis dýra sem hafa áhrif á viðskipti innan Bandalagsins með alifugla og útungunaregg og á innflutning þeirra frá þriðju löndum (²), einkum 23. gr. (1. mgr.), 24. gr. (2. mgr.) og 25. gr. (2. mgr.),

og að teknu tilliti til eftirfarandi:

- 1) Í reglugerð framkvæmdastjórnarinnar (EB) nr. 798/2008 (³) er mælt fyrir um kröfur um heilbrigðisvottanir fyrir dýr og dýraafurðir vegna innflutnings til Sambandsins og umflutnings gegnum það, þ.m.t. geymslu á meðan á umflutningi stendur, á alifuglum og alifuglaafurðum (hér á eftir nefndar vörurnar). Þar er kveðið á um að vörurnar megi einungis flytja inn til Sambandsins og umflytja gegnum það frá þeim þriðju löndum, yfirráðasvæðum, svæðum eða hólfum sem skráð eru í 1. og 3. dálk töflunnar í 1. hluta I. viðauka við hana.
- 2) Í reglugerð (EB) nr. 798/2008 er einnig mælt fyrir um skilyrði fyrir því að þriðja land, yfirráðasvæði, svæði eða hólf geti talist laust við alvarlega fuglainflúensu (HPAI) og við Newcastle-veiki.
- 3) Rússland er skráð í töflunni í 1. hluta I. viðauka við reglugerð (EB) nr. 798/2008 sem þriðja land þaðan sem innflutningur til Sambandsins og umflutningur gegnum það á tilteknum alifuglavörum er leyfður frá öllu yfirráðasvæði þess. Þó var heimild Rússlands fyrir kjöt af alifuglum til manndis, sem er ætlað til innflutnings til Sambandsins eða umflutnings gegnum það, felld tímabundið úr gildi frá og með 17. nóvember 2016 vegna staðfestingar á uppkomu alvarlegrar fugla-inflúensu af undirgerð H5N8 í alifuglabúum á yfirráðasvæði landsins.
- 4) Hinn 28. janúar 2019 staðfesti Rússland að Newcastle-veiki væri fyrir hendi á alifuglabúi á yfirráðasvæði landsins. Síðan þá hefur Rússland staðfest nokkrar uppkomur Newcastle-veiki í alifuglabúum á yfirráðasvæði landsins.
- 5) Í ágúst 2019 sendu heilbrigðisyfirvöld á sviði dýra og dýraafurða í Rússlandi upplýsingar til framkvæmdastjórnarinnar um uppkomu Newcastle-veiki á yfirráðasvæði landsins frá því í janúar 2019.
- 6) Vegna þessara staðfestu uppkoma Newcastle-veiki er ekki hægt að líta svo á að Rússland sé laust við sjúkdóminn og heilbrigðisyfirvöld á sviði dýra og dýraafurða í Rússlandi eru ekki í aðstöðu til að votta sendingar af alifuglakjöti til manndis sem eru ætlaðar til innflutnings til Sambandsins eða umflutnings gegnum það.
- 7) Til glöggvunar og í þágu réttarvissu ætti að breyta færslunni fyrir Rússland í töflunni í 1. hluta I. viðauka við reglugerð (EB) nr. 798/2008 með tilliti til faraldsfræðilegra aðstæðna í þessu þriðja landi og tilgreina lokadagsetninguna þegar ekki verður hægt að líta svo á að þetta þriðja land sé laust við Newcastle-veiki.
- 8) Því ætti að breyta I. viðauka við reglugerð (EB) nr. 798/2008 til samræmis við það.
- 9) Ráðstafanir, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Ákvæðum 1. hluta I. viðauka við reglugerð (EB) nr. 798/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 11. mars 2020.

*Fyrir hönd framkvæmdastjórnarinnar,
forseti.*

Ursula VON DER LEYEN

(¹) Stjtið. EB L 18, 23.1.2003, bls. 11.

(²) Stjtið. ESB L 343, 22.12.2009, bls. 74.

(³) Reglugerð framkvæmdastjórnarinnar (EB) nr. 798/2008 frá 8. ágúst 2008 um skrá yfir þriðju lönd, yfirráðasvæði, svæði eða hólf, þaðan sem leyfður er innflutningur til Bandalagsins og umflutningur um Bandalagið á alifuglum og alifuglaafurðum, og um kröfur vegna heilbrigðisvottorða fyrir dýr og dýraafurðir (Stjtið. ESB L 226, 23.8.2008, bls. 1).

VIDAUKI

Í stað færslunnar fyrir Rússland í 1. hluta I. viðauka við reglugerð (EB) nr. 798/2008 kemur eftirfarandi:

ISO-kóði og heiti þriðja lands eða yfirráðasvæðis	Kóði þriðja lands, yfirráðasvæðis, svæðis eða hólfis	Lýsing á þriðja landi, yfirráðasvæði, svæði eða hólf	Heilbrigðisvottorð fyrir dýr og dýraafurðir		Sérstök skilyrði	Sérstök skilyrði		Staða eftirlits vegna fugla-inflúensu	Bólusetningarstaða vegna fugla-inflúensu	Staða varna gegn salmonellu ⁽⁶⁾
			Fyrirmynd(ir)	Viðbótarábyrgðir		Loka-dagsetning ⁽¹⁾	Upphafsdagsetning ⁽²⁾			
1	2	3	4	5	6	6A	6B	7	8	9
„RU-Rússland	RU-0	Landið allt	EP, E							S4 ⁺
			POU		P2	17.11.2016				
					P3	28.1.2019				

B-deild – Útgáfud.: 14. apríl 2020